


佛說祕密相經



佛說祕密相經

宋西天三藏朝奉大夫試光祿卿傳法大師施護等奉
詔譯



清刻龍藏佛說法變相圖

佛說祕密相經卷上

中下
同卷

不十

宋西天三藏朝奉大夫諡光祿御傳法大師施護等奉 詔譯

如是我聞一時世尊住一切如來三昧界中
 一切菩薩摩訶薩眾皆悉圓滿是時世尊大
 毗盧遮那如來從諸佛智三摩地起普徧觀
 察一切大衆當彼如是觀衆會時所有一切
 如來并諸菩薩摩訶薩眾悉於世尊大毗盧
 遮那如來左月曼拏羅中依止而住爾時金
 剛手菩薩摩訶薩住於世尊大毗盧遮那如
 來前合掌諦誠作是白言世尊祕密法儀甚
 深廣大云何此中要略而修於是要略法中
 我當受行爾時世尊大毗盧遮那如來讚金
 剛手菩薩摩訶薩言善哉善哉金剛手汝今
 善問祕密法儀甚深廣大我今爲汝要略而
 說謂若修習瑜伽行者凡入舍中先當觀想

祕密文字作已護淨謂於舌端想有阿字其
字想成淨妙月輪於月輪上想有吽字其字
復成五股白色大金剛杵如是觀想已行人
當作金剛合掌安自頂上誦此大明而作護
淨大明曰

唵引莎婆引縛秫馱引薩哩縛合達哩摩合

一引莎婆引縛秫度引欣下同二

誦是大明已行人次當發誓願言唯願十方
一切諸佛一切菩薩攝受於我而我某甲於
此時中作成就事始從今日發起無上大菩
提心乃至當坐菩提道場堅固不退又說頌
曰

願我即同三世佛 決定當成正覺尊
攝善法及攝律儀 饒益衆生戒具足
而此三聚淨妙戒 願我受持悉堅固

諸佛妙法及僧伽 最勝三寶垂加護
最初三寶攝受我 願從諸佛相應生
金剛杵及彼印鈴 我所受持悉真實
彼阿闍梨攝受我 廣大最上金剛部
四種施法我常行 日日六時如是作
彼大寶部相應法 三昧中起勝意樂
我攝受諸正法門 內外及彼三乘法
大蓮華部中清淨 出生無上大菩提
一切誓願悉相應 真實法中攝受我
供養事業隨應作 大羯磨部中最上
發起無上菩提心 及彼出生諸勝行
普攝一切行周徧 廣為利樂諸衆生
未得度者我當度 未解脫者令解脫
諸有未獲安隱者 我當為開安隱門
所有一切諸衆生 普使安住涅槃地

隨此出生大悲心 普攝衆生諸所作

一切善法悉周圓 一切煩惱皆不著

月曼拏羅左右中 菩提心月為第二

所有諸佛功德門 復入迦字等妙相

如是入已乃與諸法影像相應其相云何所

謂

迦佉誡伽昂鼻音 輕呼左蹉惹仁左 鄭重 倪倪也

呼吒姤拏尼輕 啖重 拏平聲 多他捺陀重 那

輕呼波頗末婆重 呼摩輕 呼耶囉羅縛設沙薩訶乞

又呼合

此等文字即是菩提心月曼拏羅相此曼拏

羅所有法用行相次第如餘教說爾時金剛

手菩薩摩訶薩復於世尊大毗盧遮那如來

右月曼拏羅中依止而住作是白言世尊而

此右月曼拏羅中當云何入爾時世尊大毗

盧遮那如來告金剛手菩薩摩訶薩言金剛

手當知金剛杵即是金剛智能生諸佛勝功

德聚金剛杵者其相五股依法所成周而復

有光燄熾盛是光從彼普賢心出為堅固因

起諸行相若入曼拏羅者當觀自身即是五

智金剛杵相作是觀時誦此大明曰

唵引底瑟姤二合 囉日囉二合

復次頌曰

佛於三阿僧祇劫 修成菩提最上行

歷位至登妙覺尊 皆由清淨無漏智

菩提妙月曼拏羅 最上清淨離諸垢

於中觀想智金剛 是即五智金剛杵

世尊大毗盧遮那如來作此所說謂即表示

執金剛者復次當想盡虛空界周徧普聚而

為分量都成一大金剛杵相然後行人觀想

已身即金剛杵廣略相應當觀想時誦此大

明日

唵引野他囉引薩哩囉引合但引他摩引識合引多酤引一欣引塞句引但

復次頌曰

所有一切諸佛身 悉無對礙無依止

無生無作淨無瑕 是中無性等亦離

不斷不破亦不壞 法身無染本清淨

金剛堅固體出生 如來金剛身無上

爾時金剛手菩薩摩訶薩於世尊大毗盧遮

那如來右月曼拏羅中依止住已作是白言

世尊復云何觀彼金剛杵爾時世尊大毗盧

遮那如來普徧觀察諸如來已作如是言諦

聽諸如來我今宣說佛影像中觀影像相其

相云何所謂薩埵金剛相彼諸相具足應當

如是觀即佛影像相作是觀想時誦此大明

曰

唵引野他囉引薩哩囉引合但引他摩引識合引多酤引一欣引塞句引但

二他引欣二

復次頌曰

所有諸佛身祕密 境界性智行亦然

以五相成正覺尊 諸佛成滿皆清淨

爾時金剛手菩薩摩訶薩復於世尊大毗盧

遮那如來後月曼拏羅中依止而住作是白

言世尊云何是祕密復云何是境界性智行

等亦然爾時世尊大毗盧遮那如來稱讚金

剛手菩薩摩訶薩即說頌曰

善哉金剛大薩埵 善哉金剛聖妙寶

善哉金剛正法門 善哉金剛眾事業

善說此經祕密義 是即無上金剛乘

所有諸佛祕密門 大乘現證法皆攝

不十

六

修成就時妙清淨 成佛果已獲妙樂
汝問祕密等云何 謂蓮華及金剛杵
此即如來大祕密 一切諸佛從是生
若能依法諦心觀 於剎那間得成佛
佛說祕密相經卷上

佛說祕密相經卷中

宋西天三藏朝奉大夫試光祿卿傳法大師施護等奉詔譯

爾時金剛手菩薩摩訶薩復白世尊大毗盧遮那如來言世尊云何是金剛杵復云何是蓮華爾時世尊大毗盧遮那如來告金剛手菩薩摩訶薩言金剛手一切如來安住之智即金剛杵本部賢聖和合相應是謂蓮華而彼金剛杵住於蓮華上由是出生一切如來彼諸如來身即毗盧遮那如是作已然後乃從金剛語言安布大明祕密文字所謂

勃籠二合引

其字先於自心淨月曼拏羅中想安住已然後想成大妙高山於其山上想現是字其字復成金剛寶峯廣大樓閣大摩尼寶所共莊嚴懸鈴珠寶繒幡瓔珞微風吹動出和雅音

不十

如是種種殊妙校飾吉祥勝上堪所稱讚而彼樓閣一切如來所共安住於樓閣中復想五股金剛杵輪廣略相應即想其杵復成金剛薩埵大士影像勝相具足身如月色現光明而復安處月輪之上頂戴五佛殊妙寶冠金剛相光燄鬘莊嚴左右皆現高舉之相安住諸法本來無性大三昧耶真實理中若情若器諸性自性以是二種合爲一相是故觀想已身成就金剛薩埵如是觀已即此本尊等諸法用然後施作爾時金剛手菩薩摩訶薩復於世尊大毗盧遮那如來前月曼拏羅中依止而住作是白言世尊云何是本尊爾時世尊大毗盧遮那如來爲金剛手菩薩摩訶薩次第宣說本尊等法諸修瑜伽行者先當依法於自心月曼拏羅中觀想卽字從是

文字想出普門巧業衆相大金剛杵作是觀
時當結密印其印先作金剛縛後散開諸指
作攝入勢成印誦此本心大明曰

縛日囉二合滿馱怛囉二合吒一

誦是大明結是印已然後乃可結一切印及
作本尊等法乃至金剛阿吠舍并鈎召等餘
諸成就法從自身語心金剛加持作用即得
敬愛成就然後乃結金剛阿吠舍印誦彼心
明其明所謂

惡入

由是心明普徧攝入本尊等法乃至諸餘成
就之法悉得善友敬愛而住其金剛阿吠舍
印者先作金剛掌次作金剛縛後結金剛阿
吠舍印金剛掌者堅實掌心諸指不縛而復
緊密成金剛掌即轉此掌善結其縛成金剛

不十

縛復開此縛作金剛拳二頭相並即成金剛
阿吠舍三昧耶印然後從自心中安想金剛
薩埵文字之相復想其字即成五股白色淨
妙周布光燄大金剛杵復次如前依法安想
祕密文字然後乃結薩埵金剛印當結印時

先當誦是心大明曰

唵引三摩耶薩怛網三合

其薩埵金剛印者謂以二手作圓月相二中
指相離餘指面相著如金剛杵相成印結是
印時誦此大明曰

唵引底瑟姤二合縛日囉二合捺哩二合除引彌引

婆縛一蘇靚引沙踰二合彌引婆縛二阿努

囉訖靚二合彌引婆縛三舍引說靚引彌引

婆縛四蘇布引沙踰二合彌引婆縛五訖哩

二合捺煬彌引提底瑟吒二合薩哩縛二合悉提

孕二合彌引鉢囉二合野躡十薩哩二合噶哩彌二合
引二合數左八彌唧多室哩二合野俱嚕九引
訶訶訶訶呼十引

如是大明即本尊法此中具有四禮敬印所
謂心印誓誠心印大乘現前三昧心印妙金
剛智天眼智等下五通心印是諸印門總攝如
來堅固之性金剛加持離諸怖畏能成一切
最上成就所有一切適悅快樂諸正受等一
切總持門等乃至一切如來真實性等總攝
自心悉得安住金剛加持身語心業然後取
以繒帛而為其髮安自頂上誦此心明日

鉢囉二合帝引蹉嚩日囉二合呼一
誦是心明而加持已即於頂上作繫髮相旋
覆其面當繫髮時隨應法儀即阿闍梨為作
是言汝今受是秘密心明此即勇猛大力世

尊本來無性之法得阿闍梨真實加持而能
善作一切事業此即世尊大毗盧遮那如來
所說乃至諸佛及執金剛等所共攝受授是
言已除其繒帛誦此大明日

唵引嚩日囉二合薩埵莎煬帝引禰野二合作
芻訥二合伽二合吒那怛咄鉢二合囉二合唵訥二合
引二合吒野底薩哩二合芻三引嚩日囉二合作芻
囉努多覽四引嚩日囉二合鉢舍五

爾時金剛手菩薩摩訶薩復於世尊大毗盧
遮那如來右月曼拏羅中依止住已說是伽
陀伸讚歎曰

快哉一切正覺尊 三摩地智無有上
所有一切諸眾生 由斯二法得成佛
金剛手菩薩摩訶薩作是讚已復白佛言世
尊最初開自行相云何爾時世尊大毗盧遮

那如來告金剛手菩薩摩訶薩言金剛手最
 初開目者謂於自身大曼拏羅如次觀視當
 其觀是曼拏羅時即得一切如來威力加持
 於金剛薩埵心中如理而住亦復得見種種
 光明勝曼拏羅又復得觀廣大神通變化事
 等由得如來所加持故乃能見彼金剛手身
 或復得見諸如來身爾時會中無動菩薩摩
 訶薩前詣世尊大毗盧遮那根本無性如來
 右旋繞已作是白言世尊云何是大曼拏羅
 我於是中復云何行爾時世尊大毗盧遮那
 如來告無動菩薩摩訶薩言大曼拏羅者所
 謂即觀自身曼拏羅如是觀已即取金剛加
 持清淨香水而為灌頂誦是心明白
 嚩日囉二合毗誥左句
 然後結繫髮印戴諸佛冠灌自心頂繫髮印

者先以二大指盤結於掌心然後屈中指與
 大指面合成印此是如來部印餘四部印亦
 然同用其五部大明次第如是大明曰
 唵引嚩日囉二合馱引怛尾二合說哩吽引嚩
 日哩二合尼句
 唵引嚩日囉二合嚩日哩二合尼吽引
 唵引囉怛那二合嚩日哩二合尼吽引
 唵引鉢訥摩二合嚩日哩二合尼吽引
 唵引迦哩摩二合嚩日哩二合尼吽引
 如前所說作灌頂已不改前印以二頭指旋
 轉二度作縈不七遠相即成四種繫髮之印於頂
 額喉及彼頂後四處繫髮次至兩耳還從頂
 後旋轉於前徐徐而下即解其印如和合音
 聲教中法儀堅固而作又彼和合奇聲教中
 說云次當阿闍梨執金剛杵依法安住已乃

為弟子發誓誠言

汝今得受此一切佛如來勝祕密法中

金剛灌頂已授汝金剛杵善作諸成就

而彼諸如來由此得成佛

復授大明曰

唵引縛日囉二合提鉢底捶引末毗訖左引

彌二底瑟姤合縛日囉二三摩耶薩怛鍍二

三

爾時金剛手菩薩摩訶薩復於世尊大毗盧

遮那如來右月曼拏羅中依止住已作是白

言世尊云何是自金剛杵爾時世尊大毗盧

遮那如來告金剛手菩薩摩訶薩言金剛手

自金剛杵者即是如來金剛杵十二指量五

股而作善妙之相無其光燄金等所成其金

剛薩埵金剛杵者不定分量五股而作有其

威猛熾盛光燄鉢訥摩囉誡等諸寶所成其

金剛王等大執金剛者及金剛忿怒金剛藥

叉等如是諸杵皆十二指量三分亭等五股

而作銳利之相此等杵相如大乘現證三昧

教中及降三世教中廣說此中略指瑜伽行

者知杵相已然後乃名已受金剛大灌頂者

復次大明曰

唵引縛日囉二合薩埵末毗訖左引彌一引縛日

囉二那引莫毗施引迦多二四引縛日囉二

那引莫三拽寫拽他引那引莫帝引那四怛

吐引佐引囉曳怛咩五

受灌頂已然可得受諸佛成就大金剛杵復

次頌曰

汝常持此金剛杵即金剛手堅固戒

金剛薩埵勝修中一切由斯得成佛

復次大明曰

唵引薩哩縛合旦他引誡多悉提一縛日囉

合三摩曳引底瑟姤合伊沙埵引馱引囉夜

二彌縛日囉合薩埵二四四四四引

然後從普賢心安布大印三昧隨說如是心

大明曰

摩賀引三摩耶薩埵三摩耶薩怛釁三合摩

賀引三摩耶薩都引欣一摩賀引三摩耶薩

埵引提底瑟姤合莎鈴三

如是印明執金剛等諸菩薩眾皆悉於彼諸

印真實大三昧中同一成就

復次身語心金剛所成心大明曰

唵引縛日囉合薩埵三摩耶末努播引囉耶

一縛日囉合薩埵堆引奴引鉢底瑟姤二合

捺哩合除引彌引婆縛三蘇觀引沙踰二合

五

十三

彌引婆縛四阿努囉訖觀二合彌引婆縛五

蘇布引沙踰二合彌引婆縛六薩哩縛合悉

提孕合彌引鉢囉合野蹉七薩哩縛合葛哩

摩二合蘇左彌引唧多室利二合煬酷嚕呬

八訶訶訶訶呼九引婆誡鍍薩哩縛合怛他引

誡多十縛日囉合摩引彌引捫左縛日哩合

引婆縛十摩賀引三摩耶薩埵阿二引十

如是身語心金剛所成心明章句若誦一遍

即得自身語心金剛三業一切密印堅固成

就所有本尊等諸法用於三部中或復二部

當得成就於現生中即得成佛或成金剛手

尊

佛說祕密相經卷中

佛說祕密相經卷下

宋西天三藏翻奉大夫試光祿卿傳法大師施護等奉詔譯

爾時金剛手菩薩摩訶薩復於世尊大毗盧遮那如來本來無性法中以尋求慧而請問言世尊勝三摩地當云何修爾時世尊大毗盧遮那如來讚金剛手菩薩摩訶薩即說頌曰

善哉金剛大陸埵 善哉金剛眾妙寶

善哉金剛正法門 善哉金剛勝事業

善說此經祕密義 是即無上金剛乘

一切如來祕密中 大乘現證法皆攝

佛言金剛手欲修三摩地者先以金剛鉤印及大明鉤攝前住次以金剛索印及大明而為引入然以金剛鎖印及大明堅牢而住後以金剛鈴印及大明而為警覺作阿吽舍彼

下十

十

彼大明曰

嚩日覽引二合 酤舍喲一嚩日囉 嚩日囉合播 引舍吽

二嚩日囉引二合 塞普引二合 吒鏤三嚩日囉 引舍阿四

然後結本尊三昧耶印應當諦心觀想彼

種子文字所謂

喲入吽 引鏤呼 引

此即是修三摩地法

爾時金剛手菩薩摩訶薩復住世尊大毗盧

遮那如來前說此頌曰

快哉一切正覺尊 我說即是金剛手

而彼一切佛如來 即金剛乘無有上

爾時金剛手菩薩摩訶薩普徧觀察一切如

來皆悉同一真實住已即於世尊大毗盧遮

那如來右邊而住作是白言世尊云何是金

剛手

剛杵爾時世尊大毗盧遮那如來告金剛手
 菩薩摩訶薩言即汝金剛手是為金剛杵爾
 時會中聖觀自在菩薩摩訶薩前白世尊大
 毗盧遮那如來言世尊云何是蓮華爾時世
 尊大毗盧遮那如來告聖觀自在菩薩摩訶
 薩言即汝蓮華手不是名為蓮華十五是時會中一
 切如來皆悉合掌俱白世尊大毗盧遮那如
 來言所說蓮華及金剛杵是義云何爾時世
 尊大毗盧遮那如來普謂一切如來言當知
 祕密四種供養是為蓮華彼蓮華上依法住
 者即金剛杵爾時金剛手菩薩摩訶薩為欲
 開示如是所說本來無性法故復白世尊大
 毗盧遮那如來言世尊云何是祕密四種供
 養爾時世尊大毗盧遮那如來告金剛手菩
 薩摩訶薩言祕密四種供養者謂金剛嬉戲

本部大菩薩彼於一切佛作大敬愛事即彼
 如是出生金剛寶鬘彼復出生金剛妙歌彼
 復出生金剛旋舞供養而住從是四祕密中
 出生一切佛菩薩等復次應當觀想金剛嬉
 戲等本部大菩薩種子文字所謂

羅引摩引詣引涅哩二度引布引吽引阿引

阿觀囉引薩室哩二合詣引吽引紇哩二合

勿嚨合突嚨二合欣彌引耶羅摩

作是觀想時即同一體性自身金剛杵住於
 蓮華上而作敬愛事作是敬愛時得成無上
 佛菩提果或成金剛手尊或蓮華部大菩薩
 或餘一切踰始多眾當作和合相應法時此
 菩薩等悉離一切罪垢涂著如是當知彼金
 剛部大菩薩入蓮華部中與如來部而作敬
 愛如是諸部大菩薩等作是法時得妙快樂

無滅無盡然於所作法中無所欲想何以故
金剛手菩薩摩訶薩以金剛杵破諸欲故是
故獲得一切踰始多無上祕密蓮華成就復
次頌曰

或於空中或餘方 觀想蓮華妙等引

蓮華無上成就門 十六 於現生中得成就

爾時世尊大毗盧遮那如來又復宣說金剛
嬉戲等祕密供養頌曰

諸菩薩中勝菩薩 金剛嬉戲大名稱

寶鬘妙歌勝亦然 金剛旋舞妙等引

如是祕密四菩薩 是即金剛密供養

供養一切佛如來 依法常作敬愛事

復次依法安想祕密菩薩種子文字所謂

多阿 引 羅嚩摩 引 誡摩涅哩 二 摩 引 度 引 阿

引 縛日覽 二 合

復次頌曰

想時當結三叉印 金剛杵安蓮華上

金剛嬉戲等法門 成就故得無盡樂

復次當知祕密供養法者是即觀自在菩薩

三摩地門於是門中即攝金剛嬉戲菩薩所

有多羅菩薩及顰眉菩薩即同一體而無差

別左現愛相多羅菩薩於左邊住右現愛相

顰眉菩薩於右邊住是諸菩薩於一切處同

一相應最上敬愛祕密成就爾時金剛手菩

薩摩訶薩即入一切如來蓮華金剛部三摩

地從是三摩地出已向諸如來說此頌曰 十七

大哉最上祕密法 所謂蓮華中安住

一切成就剎那成 乃至無上菩提果

爾時聖觀自在菩薩摩訶薩說此頌曰

大哉一切佛如來 清淨蓮華愛無上

於無我中我手持 蓮華中住蓮華相
爾時世尊大毗盧遮那如來爲諸如來說此
頌曰

諦聽一切諸如來 諸佛大智無有上
祕密供養法相應 利益衆生作成就
金剛嬉戲相應行 我心堅固無所動
金剛寶鬘及妙歌 旋舞供養亦如是
所有祕密敬愛事 如是法儀勝無上
此祕密中依法行 即得諸佛施歡喜
復說祕密種子文字所謂

唵引野引阿囉誡觀婆縛日哩二合摩尼鉢
訥摩二合

爾時金剛手菩薩摩訶薩復白世尊大毗盧
遮那如來言世尊戲鬘歌舞四種祕密行相
云何爾時世尊大毗盧遮那如來讚金剛手

菩薩摩訶薩言善哉善哉金剛手汝今善問
祕密行相我今爲汝如理開示或有大士愛
樂嬉戲祕密行相或有大士愛樂寶鬘祕密
行相或有大士愛樂妙歌祕密行相或有大
士愛樂旋舞祕密行相或有大士普徧愛樂
戲鬘歌舞祕密行相如是一切祕密行相中
起愛樂時隨所樂心即入如來三摩地金剛
蓮華相應法中獲得無上祕密成就爾時金
剛手菩薩摩訶薩前詣佛所右膝著地恭敬
頂禮而白佛言世尊若有正士大法器者應
當於是祕密供養相應法中如理修學彼能
成就一切事業乃至得成佛無上智況復餘
法有不成者爾時世尊大毗盧遮那如來即
入諸佛大智三昧加持安住三摩地從是三
摩地出已即結金剛嬉戲大菩薩祕密智印

復爲攝集令金剛手菩薩摩訶薩表示秘密神通行相謂本所有一眞法性從是出生諸菩薩等從吽字等而爲大智由此即生金剛嬉戲秘密菩薩及持明藏一切賢聖是諸賢聖皆悉同本一眞法性爾時金剛手菩薩摩訶薩受世尊大毗盧遮那如來教勅已即說秘密行相所謂依如來部金剛印成就廣大儀軌中法用若作持誦時當不動舌端唇齒二相合離諸音聲但以金剛語音而爲持誦即能成就一切儀軌此說即是金剛語菩薩法復次金剛部秘密印成就廣大儀軌中法用謂以自身金剛杵入一切相應賢聖眞法性中秘密行人作是法時即得一切事業成就此說即是金剛薩埵菩薩法復次金剛部秘密印成就廣大儀軌中法用謂諸所欲得

不十

十九

佛世尊究竟眞常常施一切衆生妙樂復能成就一切事業此說即是金剛手菩薩法爾時金剛手菩薩摩訶薩復白一切如來言如來善聽此秘密智勝無有上若欲得成諸佛身者應當寂靜住等引心入一切如來智三摩地從是三摩地出已得成佛身即能成就諸三摩地法所謂劔成就三摩地藥叱尼成就三摩地一切執曜阿吠舍成就三摩地遣除一切執曜三摩地破一切惡三摩地持明人三摩地神通成就三摩地財寶成就三摩地入脩羅宮成就三摩地常得國王及王眷屬愛念成就三摩地此如是等有無數種三摩地法及秘密章句中今此四種秘密供養而爲最上金剛部大菩薩與金剛嬉戲等如理相應金剛嬉戲者此說即是和合出生之

義而此菩薩一切所欲得諸如來常施歡喜
即此金剛嬉戲菩薩為增勝主常於一切如
來而生歡喜

復次秘密種子文字所謂

野部引骨嚕卒魯合阿引莎引刹呼引弱

吽引鏤鎗引

此等文字即是金剛嬉戲本部大菩薩與金
剛蓮華二法相應即此金剛而為警覺所有
蓮華即觀自在菩薩三摩地門而彼蓮華離
諸所著以金剛鎖堅牢而住於諸所動相應
平等而常不離三摩呬多然後同一真實吽
字智門出敬愛事而能成就一切事業此說
即是金剛手菩薩法爾時聖觀自在菩薩摩
訶薩白諸如來言所有金剛杵住於蓮華上
彼金剛杵及與蓮華二法和合相應成就獲

不十

二十

得妙樂無滅無盡爾時金剛手菩薩摩訶薩
住於世尊大毗盧遮那如來前作是自言世
尊彼金剛杵云何能住於蓮華上此金剛杵
及與蓮華作用行相復云何說世尊此理甚
深我於是義不能解了爾時世尊大毗盧遮
那如來讚金剛手菩薩摩訶薩言善哉善哉
金剛手汝今當知彼金剛杵住蓮華上者為
欲利樂廣大饒益施作諸佛最勝業是故於
彼清淨蓮華之中而金剛杵住於其上乃入
彼中發起金剛真實持誦然後金剛及彼蓮
華二事相擊成就二種清淨乳相一謂金剛
乳相二謂蓮華乳相於二相中出生一大菩
薩善妙之相次復出生一大菩薩猛惡之相
菩薩所現二種相者但為調伏利益一切眾
生由此出生一切賢聖成就一切殊勝事業

爾時金剛手菩薩摩訶薩復白佛言世尊何者是乳相復從何生起唯願世尊顯明開示爾時世尊告金剛手菩薩摩訶薩言即汝金剛手所有最勝秘密供養是即乳相從是生起金剛手菩薩摩訶薩復白佛言世尊我不解佛所說義佛言下金剛手當知乳相者即是本真相如秘密降三世教中所說爾時世尊大毗盧遮那如來普攝金剛手等一切菩薩同一真實同一出生都成爲一金剛薩埵之身告諸如來言今此所說秘密供養等秘密行相但爲警覺邪外之衆故佛菩薩隱密而說是時所現金剛薩埵身與本部菩薩同住正見出生敬愛唯以金剛縛而普攝已所有本部大菩薩等同處于左根本之位住蓮華中以金剛杵開覺蓮華而悉同一三昧相應

爾時本部大菩薩衆得開覺已即說頌曰
快哉一切正覺尊 我所敬愛施妙樂
唯此妙樂外無餘 而能成就秘密法
爾時世尊大毗盧遮那如來即說頌曰

快哉妙樂無有上 諸有正士應當修
今此秘密妙法門 有罪染者不應受
秘密蓮華此無上 金剛嬉戲即彼法
金剛蓮華教亦然 總攝毗盧遮那智
世尊大毗盧遮那如來說是頌時有無數百
千殊妙瑞相一時出現

佛說秘密相經卷下

音釋

鄮 則 肝
切 煬
切 餘 亮
訖 疏 臻
切 叱
切 尺 栗